



UNIVERSITÄTS-
BIBLIOTHEK
PADERBORN

Variorum In Europa Itinerum Deliciae

Chyträus, Nathan

[Herborn], 1599

VD16 C 2803

Eidem Candido Lectori.

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)



E I D E M

CANDIDO LECTORI.

CUm hanc Inscriptionum variarum collectionem absolvisssem, eamque jamjam typographo missurus essem: in manus meas pervenerunt Monumentorum Italiae libri IV. a viro C. L. & multarum rerum peritia & experientia claro Laurentio Schradero recens divulgati. e quibus ipsis quoque pauca quaedam, instituto huic meo accommodata, describi, & huic farragini addi curavi. Sicuti etiam interea temporis Itinerarium mihi suum animo promptissimo communicavit, vir genere & doctrina nobilis & praestans, D. Joachimus Bassevitijs Consiliarius Megapol. & regius, dux olim meus, cum florentibus integer annis in pulcherrima & nobilissima urbe Florentina hujuscemodi monumentorum φιλοθέωρος essem: & nunc quoque Musarum nostrarum fautor & patronus integerrimus. Ex quo sane ipso Itinerario Bassevitijsiano non contemnenda ad hanc ἐκλογὴν nostram maximè Italicarum, Gallicarum & Anglicarum inscriptionum facta est accessio. Quod ideo quoque hic censui indicandum, ne laboris & industriae alienae fructum mihi vindicare velle, videri alicui parum mihi aequo possem. Vale iterum. B. Cal. Septemb. anno 1593.



E I D E M.

TE moneant Lector tot in uno funera libro,
Tempore quod certo tu quoque funus eris.



EIDEM LECTORI S.

Delicias tibi polliceor. res ardua dicis?
Non nego. nec cunctis una eademq; gula est.
Quod sapit huic, alius mox nauseat. & mihi miré
Quod placet, hoc poterit displicuisse tibi.
Convivas igitur frugi hic imitabere, qui non
Perdices tantum, aut Bacchara vina petunt:
Sed panem, & ptisanam, & Nicri quoq; pocula gustant,
Qua sitis, & faciunt deliciofa fames.
Hac duo condimenta dapum sunt optima, gratos
Sive animis spectes corporibusve cibos.
Quin his ex vicibus major quoq; gratia ferclis
Accedit, sine quis gaudia cuncta jacent.

Nathan Chytræus.

CONTEMPTORI INSCRIPTIO-
num novarum.

Cur admirator veterum solummodo, temnis
Hac nova? quondam etiam prisca fuere nova.
Ætatem his concede suam, fientq; vetusta
Hac etiam, novitas qua modó spreta facit.

Nathan Chytræus.

Vita viatoris quasi transitus, omnia finem
Mundus hic immundus, qua veneratur habent.
Transit honos, transit fortuna, pecunia transit,
Mente Deo similis corpore transit homo.
Transivere patres, simul hinc transibimus omnes;
In calo patriam, qui bene transit, habet.

Frid. Widebramus.

AD CLARISS. ET DOCTISS. VI-
rum Dn. Nathanem Chytræum

EPIGRAMMA.

Non opus est, Chytræe, tuas post funera laudes
Sculpi in saxo, quod tua membra teget.

Scriba

*Scribatur nudum post fata in marmore nomen,
Ut tumuli quondam sit nota certa tui.
Qua post te virvent vigilis monumenta laboris,
In laudes sat erunt officiosa tuas.*

Johannes Pincier Medicinæ D.
& Professor Herbornæ.

ADMONITIONES ITER FA-
cturis in universum necessariae.

*S*is animo vultuq; humilis, prodesse cuivis,
Si licet, & nulli sit nocuisse labor.
Sedulus in propriis, aliis aliena relinque;
Prudenterq; fides cui sit habenda, vide.
Multa audi, dic pauca, tace abdita, discе minoris
Parcere, majori cedere, ferre parem.
Sobrius, & vigil, & verax simul esse memento;
Promptus amare bonos, & tolerare malos.
In primis reverere Deum, qui cernit & audit
Omnia, quem prorsus fallere nemo potest.
Hoc faciens, poteris peregrinos inter ubiq;
Salvus & in media vivere barbarie.

Nathan Chytræus.

MENANDER.

*Ξένω μάλις α συμφέρει τὸ σωφρονεῖν.
Ξένω ὦν ἀπράμων ἴδι, καὶ πρᾶξις καλῶς.
Ξέρον δε σιγᾶν κρείττον, ἢ κεκραγένας.
Ξένω πεφυκῶς, τὰς ξενόδοχος σέβει.*

ALIUD.

*V*irtutes gens quæq; suas, sua crimina in orbe
Cum terrarum habeat; nilq; omni ex parte beatum
Sit; peregrinantes ne fœdam imitemur arachnen,
Cui rosa materies lethalis pura veneni est.
Quin imitemur apes potius, qua è flore aconiti
Dulcia mella legunt, è crudo nectar acantho.

Nathan Chytræus.